

10. april 2007

UPA 2007/21

Uunga

allannguutissatut siunnersuut

Uunga siunnersuut: Illuliortiternernut aningaasalersuineq pillugu Inatsisartut peqqussutaat nr. x, xx 2007-imeersoq

Aappassaanneerinissamut Naalakkersuisunit saqqummiunneqartoq.

§ 1-imut

1. § 11, *imm. 1*, imatut oqaasertalerneqassaaq:

"Iluarsaassinissamut pitsannngorsaaniissamullu taarsigassarsititsinermi taamaallaat inissianik, piffissami qinnuteqarfiusumi ukiut 20-t sinnerlugit pisoqaassuseqartunik, aammalu 95 kvadratmeterit sinnernagit angissuseqartunik piginnittunut taarsigassarsititsisoqarsinnaavoq."

2. § 12 imatut oqaasertalerneqassaaq:

"§ 12. Alliliinissanut taarsigassarsititsinermi taamaallaat inissianik, piffissami qinnuteqarfiusumi ukiut 20-t sinnerlugit pisoqaassuseqartunik, allilerneqannginnerminnilu 95 kvadratmeterit sinnernagit angissuseqartunik piginnittunut taarsigassarsititsisoqarsinnaavoq. Inissianut allilerneqarnermik kingorna 110 kvadratmeterit sinnerlugit angissuseqalersussanut alliliinissamut taarsigassarsititsisoqarsinnaangilaq."

Allannguutissatut siunnersuummut oqaaseqaatit

§ 1-imut

Nr. 1-imut

Aalajangersagaq oqaasertamigut erseqqissarneqarpoq, taamaalilluni aalajangersakkap inissianut, piffissami qinnuteqarfiusumi ukiut 20-t sinnerlugit pisoqaassuseqartunut atuunera erseqqissarneqarluni.

Nr. 2-mut

Aalajangersagaq oqaasertamigut erseqqissarneqarpoq, taamaalilluni aalajangersakkap inissianut, piffissami qinnuteqarfiusumi ukiut 20-t sinnerlugit pisoqaassuseqartunut atuunna erseqqissarneqarluni.